

3 Klausen bei Götzi, Vorarlberg.

4 Koblach, Vorarlberg.

5 Tschütsch bei Klaus.

6 Weiler, Rötis, Sulz, Orte im Vorarlberger Vorderland.

114.

Bludenz, 1402 November 30.

Graf Hartmann von Werdenberg von Sargans, Bischof zu Chur<sup>1</sup> und Graf Albrecht von Werdenberg der Ältere, Herr zu Bludenz<sup>2</sup> vereinbaren sich über die Rechte der Grafschaft Hartmanns<sup>1</sup> im Walgau und seiner Grafschaft zu Vaduz am Eschnerberg<sup>9</sup> über Gerichtsbarkeit, Zölle, Tafelnen, Fischrechte, Einwanderer und Weideordnung.

Wir Graf Hartman Von werdenberg von Sangans von gottes genaden Byschof ze Chur<sup>1</sup> Vnd Jch Graf albrecht von werdenberg der elter herr ze Bludentz<sup>2</sup> tünd kunt vnd veriehent offenlich mit disem brief als wir etlich / misshellung mit ain ander hand gehept vmb diss nachgeschriben sachen vnd stuk die vnsers vorbenempten Graf Hartmans<sup>1</sup> Grafschaft an gehörtent in walgôw. vnd öch vnsere Grafschaft angehörtent ze / Vadutz an dem Eschnerberg<sup>9</sup> Da sien wir beid tail mit ain ander vericht früntlich vnd lieplich Vnd sollen och wir vnd vnsere erben diss richtung vnd all nachgeschriben stuk iemer eweklichen halten mit güten / trüwen an all geuerd. Des ersten als min egeschriben Graf albrechts<sup>2</sup> mainung ist gewesen. das der vorbenempt Graf Hartman<sup>1</sup> oder sin amptman nit richten sölten in Muntafun vmb todschleg vnd vber schäd-/lich lüt won si sölten darumb ze Guggaiss<sup>3</sup> richten. da ist berett vnd sien wir dess mit ain ander in ain, wår ob ieman wår wer der ist. der zu mir obgedachten Graf albrechten<sup>2</sup> nit gehört oder nit min ist, vnd Ain / totschlag tât in Muntafun oder mit Andern sachen verschulte darumb man in mit stok vnd galgen sôlt straffen. wirt der in Muntafun oder hie vss ergriffen. den sol man dem egedachten Graf Hartman<sup>1</sup> vnd sinen / erben oder irem Amptman Antwurten gen Guggaiss<sup>3</sup>.